



GODEFRIDVS HITTORPIVS

LECTORI STVDIOSO S. D.

VM MVLTAE SINT & magnæ artes,
quibus uel uitæ dignitas constituitur,
uel laborantis reipub. commoda proue-
huntur, non mediocris ingenj laus hæc
mihi uidetur, quem quisque studij do-
ctrinæq; usum ad communiores literas
ornandas adferre possit, eum utilitati pu-
blicæ condonare. Nam cum nullum ui-
tae genus, nullus florentis reipub. status
sine literis constitui possit, magnam merentur studij gratiam,
qui ad eas uel conseruandas uel illustrandas, in hac graui com-
muniun temporum conuersione, animum convertunt. Neque
enim præclarioris quisquam de universis rebus humanis mereti
potest, quam qui nulla re alia nisi communii uitutis uoluntate
commotus, et cum retum studia excitat, quarum gloria reipub.
splendor, & quicquid hæc terum uniuersitas habet uel honesti
uel iucundi, illustratur. Ut enim certi quidam sunt officiorum
gradus, quibus alijs alij præstat atque antecellit, ita in primis
eius est laudabilis industria, qui literatum dignitatem ad eam
honoris amplitudinem, unde paulo ante foeda hominum barba-
rie deiecta est, adducere conatur. Cæterarum rerum uel facilis
est factura, uel aliunde compensatur utilitas. Literatum negle-
cta dignitas non solum omnem antiquitatis memoriam, omne
eruditioñ elegantiam extinguit, uerum etiam magnis & præ-
claris conaturibus rempu, spoliat. Atq; hanc causam esse puto, ut
intolerabilis ferè eorum sit barbaries & portentosa quædam im-
placabilis naturæ acerbitas, qui nullis uitutis stimulis ad com-
muniun literarum studia amplectenda impelluntur. Insolens
res est, & plena ferocitatis hominis natura, quæ nullis literis ad
uitæ placabilitatem animorumq; moderationem conformatur,
quando ex omnibus naturæ beneficj nihil præstantius homi-
ni à Deo Opt. Max. concessum est ipsa illa literarum cognitio-
ne, quarum est utilitas omnis cum reipub. dignitate coniuncta.
Has qui studio, cura atq; diligentia promouer, omnium consu-
lit rationib; omnium seruit gloriæ. Que mihi causa si non es-
set, quamobrem omnes animi mei sensus ad literarum dignita-
tem libenter conuertere soleam, commitendum tamen mihi
non fuerat, ut in excudendo hoc ALEXANDRO ab Alexandro,
optimo quidem autore, sed multis ferè annis suppresso, & nu-